

بِلا نِيلَه

نور مانجا

بلانيه

نور مانجا

تصميم الغلاف : عيبر محمد

رسوم الغلاف : محمد عصام

تدقيق لغوي : د/محمود عوض الله

رقم ايداع : ٢٠١٦/٢٢٣٥٤

ترقيم دولي : ٩٧٨-٩٧٧-٨٥٣٠٥-٣-٧

دار فصله للنشر و التوزيع

العزيزيه - منيا القمح - مصر

٠٠٢٠١٠٦٧٠٠٠٧٠١

fasla.pub@gmail.com

www.fasla.org



مدير عام : عمر الحضري - مدير النشر : محمود محي الدين

جميع حقوق النشر و الطبع محفوظه

الطبعه الاولى نوفمبر ٢٠١٦



جميع حقوق النشر محفوظه لدار فصله للنشر و التوزيع
إن أي تصوير أو اعادة طباعه أو نشر بشكل ورقي أو الكتروني أو
ترجمته أو تسجيله صوتيا بدون إذن كتابي مسبق من الدار يعرض
صاحبه للمسائله القانونيه

بِلا نِيلَه

نور ماتجا



دار فصله للنشر و التوزيع



#بلا_نيله



نور مانجا





#بلا_نيله



نور مانجا



نور مانجا

٣ إبريل ٢٠١٥

زي مانتى من حقك تلبسى مايوه وبكىنى
هي من حقها تلبس حجاب ونقاب
زي مانت من حقك تسقط بنطلونك وترى شعرك
هو من حقه يربى دقنه ويلبس جلبية قصيرة
احترموا حريات الناس يادعاة الحرية والتحضر
اللحية والنقاب مظهر من مظاهر الإسلام
التريقة علي المظهر قلة ادب



#بلا_نيله



نور مانجا



نور مانجا

٣٠ مارس ٢٠١٥

هي ترابيزة ولا طرابيزة
 هي مناخير ولا مراخير
 هي بنت ولا بت
 هو موبايل ولا نوبايل
 هي بنزينة ولا بنزيمة
 هو جيش ولا ديش
 هي حفرة ولا فحرة
 هو بنطلون ولا منطلون
 هي ماليكان ولا مانيكان
 هي دي لغة ولا تلوث سمعي

هي لمبة ولا لنضة
 هو شششب ولا ششب
 هو برطمان بطرمان
 هي نهين ولا نهون
 هي ليموناتة ولا ليمونادة
 هو برتقان ولا برتقال
 هو بتنجان ولا برنجان
 هي اوضة ولا اودة
 هو دكان ولا محل
 هي ليفة ولا لوفة
 هي تسريحة ولا شيفونية



#بلا_نيله



نور مانجا



نور مانجا

٢٨ مارس ٢٠١٥

نار تحت الرماد

في بعض الحالات الرجل المتجوز يقع في حب ست تانية غير مراته

في اللي بيتجوزها وده قادر

وفي اللي بيقيضها وده ملناش دعوة بيه

المشكلة بقي في اللي بيبقي لا قادر يواجه مراته ولا قادر يسيب

حببته

ولما الظروف تحطه علي محك الإختيار بيعمل ندل مع حببته

غصب عنه عشان إعتبرات البيت والولاد وحجم خساير هو مش

قادر يواجهها

وهنا اصحابه واهله وحببته والعيشة واللي عايشينها بيتعاطفوا

معاه وعنده اوبشن يفضفض مع صاحبه ويتعصب علي مراته



#بلا_نيله



نور مانجا



نور مانجا

٢٨ مارس ٢٠١٥

هو ليه كلمة يابن المرة شتيمة تطير فيها رقاب
وانت ابن راجل تعتبر تبجيل وإحترام
هو يعني الراجل خلفه لوحده ولا إيه



نور مانجا

٣١ مارس ٢٠١٥

الشاب المصري المفتاح اللي بيطلب عروسة مفيهاش غلطة
بيفكرني بالملفس اللي عاوز يقسط مرسيدس



#بلا_نيه



نور مانجا



نور مانجا

٢٦ مارس ٢٠١٥

كونك تبعت اضافة وماله

تبعثني رسايل عالآزر حب وشعر وماله

لكن يكون اسمك كده

كل-من-حاول-الوصول الى-مستواي ولم-يستطع-قال عني-مغرور

يبقي ابليغ عنك العباسية بضمير مرتاح



نور مانجا

٢٦ مارس ٢٠١٥

هو التاريخ بيعيد نفسه ولا بيستعبط ويكرر نفس الشريط

#حرب_اليمن



#بلا_نيله



نور مانجا



نور مانجا

٢٦ مارس ٢٠١٥

عزيزتي الفتية المحجبة اللي بتجيبني فستان سواريه اصلا عريان وتقعدي
تلبسي تحتيه كارينا وليجن وكلسون ورقبة ومعصم في محاولات مستميتة
لتغطية اشياك اللي بتبقي بطبيعة الحالة باظة من تحت ده كله
ضميرك مرتاح ???



نور مانجا

٢٥ مارس ٢٠١٥

شاهد صورة ابن مرآة خال النجم المشهور لن تصدق شكله
اللي بيكتب اخبار بالصيغة دي هيغرق محروق



#بلا_نيله



نور مانجا



نور مانجا

٢٤ مارس ٢٠١٥

من سنتين

بعد تمشية طويلة مع صديقتي الروسية

قالتلي جملة مش قادرة انساها وكل ما افكرها افطس من الضحك

قالتلي انتو البنات عندكم حصلهم طفرة جينية ولا هجوم فضائي خلي

مخهم بقي برة الجمجمة لسة هندهش من كلامها لقيتها باصة علي اتنين

محجبات من الي بيركبوا شفشق في الطرحة من فوق

لسة هحاول اشرحها إن ده نوع من اللبس

قالتلي باللغة الفصحى الي كانت بتدرسها

لابد انهم عباقره لديكم كل الحق في إخفاؤهم عن العالم

D:D:D:

لا حضرتك إحنا خافيينهم عن العالم عشان بنستعر منهم



#بلا_نيله



نور مانجا



نور مانجا

١٧ مارس ٢٠١٥

جاوب علي ام السؤال

عزيزي المنشكح من احوال البلد ومبسوط من خطوات سيادته الفظيعة
نحو التقدم وعندك شعور لا إرادي ان مصر صحيت معرفش إيه اللي
صحاها بس صحيت

كام سؤال وجاوبني بصراحة يا تخفي وبلاش مقاوحة
١شهادات استثمار القناة الجديدة كان ميعاد صرف ارباحها من ٣ شهور
صرفت ؟

٢قطر وحشة وبيدوننا فلوس ويتدخلو في شؤنا يلعن ابوهم طب بالنسبة
للإمارات إيه النظام داخلين معناا جمعية بنفريين ولا إيه
٣ البلد دخلها ٤٦ مليار بالإحصائيات الحكومية من ساعة توليه الحكم



نور مانجا

١٧ مارس ٢٠١٥

عشرة منهم دخلو مشاريع و١٢ دخلو خزانة الدولة ممكن تقولي الباقي
فين

٤ احنا نزلنا خلعنا مرسي بسبب ازمات الكهرباء والبنزين المشاكل دي
اتحلت ولا شعورك الوطني مغلوش عليها
هو قال بكرة تشوفو مصر بس مقالش بكرة الساعة كام



#بلا_نيله



نور مانجا



نور مانجا

١٦ مارس ٢٠١٥

إتفاجئت وانا واقفة في السوبر ماركت بإيد بتخبط علي كتفي
التفت لقيت واحدة شكلها غلبان قوي ومبهدة جدا متهيألي عمرها ٥٠
سنة وبتقولي إزيك يا مانجا وحشاني
-انتي تعرفيني
-إيه انتي نسيتي شكلي
- اسفة والله مش متذكرة
-انا شرين
- افندم ???
-شرين عزمي كنت معاكي في ثانوي
-مش ممكن شرين إزاي انتي إيه جابك اسكندرية وفين الشياكة والرشاقة



نور مانجا

١٦ مارس ٢٠١٥

والألاطة

ردت بإنكسار- كل حاجة راحت

حببت اغير الموضوع

- انما قوليلي انتي هنا بتتفسحي

-اتفسح إيه بس يامانجا انا نقلت هنا من حوالي ٨ سنين

-ومالك زعلانة ليه

-مش زعلانة إنما ندمانة البيبي ده إبنك ؟

-اه دي بنتي تويا

-ماشاء الله ربنا يخلي

- وانتي فين ولادك

المرة دي دمعت

- ماليش ولاد

- ياحببتي معلش كله رزق من ربنا

-اه الحمد لله

-ياستي لو نفسك في عيال خدي بنتي معاكي مجننة امي

- مانا ممكن اخلف بس مقدرش

-لا معلش مش فاهمة

-انتي عارفة انا اتجوزت مين

-لا اوعي تقولي اتجوزتي باهي

-اه اتجوزته

-طيب وده ماله ومال إنك متقدرش تخلفي هو باهي ميخلفش

-لا عنده ولدين



نور مانجا

١٦ مارس ٢٠١٥

- لا انا مش فاهمة حاجة خالص

يامانجا باهي كان إتقدملي بعد ثانوي وبابا رفض كذا مرة عشان سمعة
عيلته واخلاقه

- ها

- وانا ساعتها كنت بحبه جدا زي مانتو عارفين

- ٥١

- قالي نتجوز في السر ونحط اهلك قدام الأمر الواقع ساعتها هيوافقوا

- ها

- إتجوزنا في السر واستنيت يشتغل ويكون نفسه

- ها

- اشتغل فعلا وكون نفسه فعلا بس إتجوز بنت خاله

- نعم ياختي وانتي إيه اللي سكتك

- كنت خايقة من رد فعل بابا والجوازة كانت شرعي وهو كان رافض

يطلقني

وعشان ماليش عين اواجه اهلي طفشت وجيت قعدت هنا في اسكندرية

كام مرة ابقي حامل ويجبرني اجهض البيبي ولما خبيت عليه إني حامل

ضربني لحد ما رحى في غيبوبة

وهو متجوز وعایش وهنا هنا يموت كل يوم

- ياشرين انتي مش ضعيفة مش هتخسري اكر من كده ارفعي قضية

وسيبه وارجعي لأهلك

- مقدرش ارجع لهم بعد ٨ سنين غياب دول لو شافوني مش هيعرفوني دنا

اموت لو بصيت في عيون بابا



نور مانجا

١٦ مارس ٢٠١٥

- ويعني هو انتي كده عايشة

شرين كانت فاتنة شبرا

بقت إحدي ضحايا الحب

والبيه السنكوح اول ما نضف رماها جنب الحيط



#بلا_نيله



نور مانجا



نور مانجا

١٦ مارس ٢٠١٥

والمصحف والنعمة وربنا انا مفتخرة بالمؤتمر الإقتصادي اخر فخرنة
بس لو حد فيكم او في احفادكم شاف ثماره او اتعين في وظيفة من
الشخروميت وظيفة الي هيوفرهم مشاريع المؤتمر ابقي سلملي
علي..... ولا بلاش



نور مانجا

٢٣ مارس ٢٠١٥

خلصتوا هري في حوار عيد الأم
ابدأوا بقي في البيض يادوب تلحقوا
قصدي بيض شم النسيم طبعا



#بلا_نيله



نور مانجا



نور مانجا

١٤ مارس ٢٠١٥

زيارة المريض في كل حنة في العالم حمادة
وعندنا حمادة مات مفروس

عندنا الناس بتتعامل مع المريض بطريقة عجيبة شوية

يعني لو هو في المستشفى نلاقي اللي رايعين يزوروه رايعين يتفسحو اصلا

يبقو لابسين اللي عالجبل وواخدين الأولاد الصغنين يلعبو في الجونية

بتاعة المستشفى ويطلعو تربتيت ام المرضي

ولو المريض غالي عليهم حبتين يبقو واخدينه معاهم حلة محشي وفرخة

محمرة وشوية بامية مسبكة ولو لاقو ممنوع عنه الأكل ده يفرشو

ويقعدو ياكلو جنبه عشان يشلوه

وتلاقي بقي الرجالة حبايب قلبي اللي يعزم عليه بسيجارة والي يوجب



نور مانجا

١٤ مارس ٢٠١٥

معاه بزغروف لزوم الروقان تقولشي عيان في جمصة
والمصيبة بقي لو المريض ده نايم في البيت
ياختيييييييي هتلاقي ام رجاء وام شيما وثناء قاعدين جنب نافوخه
وهات يا حكايات عن فلان اللي كان عنده نفس المرض ودلوقتي الحمد
لله مات وفلانة بت علانة قريبة ترتانة اللي الدكتور اللهم احفظنا اداها
حقنة غلط خلتها رجعت زلط
الحقيقة حكايات كلها امل وتفاؤل تخلي المريض صحته تبقي بمب
المصري معروف بجبروته وقوته ورخامة حضرته



#بلا_نيله



نور مانجا



نور مانجا

١٠ مارس ٢٠١٥

جملة كتبها صديقي وليد في بوست فكرتني بقصة حصلت قدامي
عن شاب من اصدقائي مكنش يبطل كلام عن الحرية واحترامه للبنات
الجدعة وانه شايف نواره نجم والي زيها هما احسن صورة ممكنة للبنات
المصرية الصح
والبنات الي كانوا معاه في الميدان كتف بكتف وإن لولاهم الثورة كانت
باطت
وكلام كتير من النوعية
لحد ما جه في يوم قالي تعالي اعرفك علي عروستي
انا قولت بس بقي الواد ده تلاقيه متجاوز زعيمة الثورة بت بقي ثورية
متفتحة ومن الآخر



نور مانجا

١٠ مارس ٢٠١٥

ولما رحنا بيته اتفاجئت إنه متجوز بنت ريفية بسيطة مش فاهمة اي حاجة في الدنيا ينطبق عليها مقولة
- تكاد لا تفقه قولاً-

قولت يابت يانور جازيز حبها الحب
مبينقيش

وسألته يا محمد انت فاجئتني مبرائك كنت متوقعة إنك متجوز واحدة من
الميدان مكنتش اعرف إن الحب هيجيبك علي ملي وشك وتتجوز الجمال
البيسط ده

- حب إيه ياست الكل انا منقيها كده قاصد
- نعم قاصد؟؟؟ قاصد تجيب واحدة مبتفهمش حاجة وكمان مبتحبهاش
- مانا لو جبت واحدة فاهمة هتقعد تفرني بقي نظام حقوقي وخرجني
ومش بعيد تقولي عايزة اشارك في فعاليات ونشاطات وانا مش ناقص
صداع واروح بقي اجيبها من القسم كل شوية
انا في إزبهلال- صداع؟؟؟؟

اه- ياست الكل هو الواحد بيتجوز عشان يريح دماغه اصلا
- امال إيه بقي الكلام الكبير اللي كنت بتقوله والبنت بميت راجل والميدان
ومعرفش إيه مش كنت بتقول عليهم لما بيتمسكوا في الأقسام حرائر
- البيت حاجة وبرة حاجة بس سيبك إنتي عجبتيني قوي في وقفة إمبارح
- انا لازم امشي عشان ثانية كمان واخليها وقفة حداد عليك



#بلا_نيله



نور مانجا



نور مانجا

١٠ مارس ٢٠١٥

والنبي مافيه حاجة حازة في نفسويتشي
غير إن البت توتا علي ما تكبر هيكون الكهرا انقرضت
احنا في الشتا والكهرا بتقطع ٣ ساعات
امال في الصيف هتعمل إيه يابرنس



نور مانجا

٥ مارس ٢٠١٥

البت الحلوة الجذابة في نظر اي شاب
هي الي معرفش يثبتها بكلمتين ولا عرف يقنعها ويسيطر عليها بشخصيته
الفضيحة



#بلا_نيله



نور مانجا



نور مانجا

١٠ مارس ٢٠١٥

وتزامنا مع موضة اسماء البنات اللي مش مفهومة ظهرت اسماء الكتب

اللي مش مفهومة برضه يعني تحس إن الكاتب حاطط إسم بنته

(اشكيلوزومباز) علي الكتاب بتاعه

ومش بعيد يكون الكتاب ده كله مجرد شرح لإسم بنته

يتوب علينا ربنا



#بلا_نيله



نور مانجا



نور مانجا

٩ مارس ٢٠١٥

يا ابو الشريط الأحمر ياللي

الغنوة دي كانت بتتغني لظباط الشرطة زمان عشان كانوا حلوين ومؤدبين

وولاد ناس

طب هو ليه محدش بقي يغنيهم دلوقتي

معرفش ليه

اكيد في تطوور جيني معين حصلهم في الناس تبقي مش طايقهم وبدل ما

تغنيهم بتدعي عليهم اممممم

الغنوة دي كانت قبل ما علي ابن الجنائني يبقي ظابط يا إنجي

ليه بقي عشان علي كان طول عمره بيتعامل معاملة ابن الجنائني حتي لما

جه يحب والقلب له احكام حب انجي وانجي اميرة اممممم توصلها زاي

يا علي نطلعها فوق حاول ودخل كلية الشرطة وبرضه فضل ابن جنائني



نور مانجا

٩ مارس ٢٠١٥

وفضلت هي اميرة

خلاص بقي يبقي مافيش حل غير اني اخليها هي كمان بنت الجنائني
تعمل ايه يا علي وتسوي ايه يا علي امممم انا اعمل ثورة كده وكده قوم

ايه الروس تتساوي

والباشا ابو الأميرة يبقي زيه زي الرئيس عبد الواحد وبكده يطير من

الفرحة لما اطلب ايد انجي

علي واصحابه عملو ثورة طربقوا البلد واعادوا تخطيط نظامها الإجتماعي

وخدو الأرض من الباشا وادوها للجنائني عشان يبقي اغني منه وينول

الرضا

لكن للأسف كل ده مخلص انجي بنت جنائني ومخلص علي يبقي امير
علي بقي حاقد وناقم علي المجتمع وقرر يطلع عين كل الناس عشان يفش

غله بس وهو بيعمل كده ملاقاش حد يمارس عليه عقده غير الناس الي

من عينة ابوه الرئيس عبد الواحد لأن من جواه كاره كونه ابن جنائني

وعاوز يلغي الفكرة دي من الوجود

فضل يعمل كده ٦٠ سنة قهر وذل وتعذيب لكل ماهو جنائني جايز

يشفي جرح كرامته الي اتمسحت بحب انجي

لكن انجي محستش بيه الي حسوا بيه كل ولاد الجنائني الي مقدروش

يبقو ظباط فقرروا يثوروا عليه وياخدوا الكرباج من ايده ويطربقوا القسم

علي دماغه



#بلا_نيله



نور مانجا



نور مانجا

٨ مارس ٢٠١٥

وانا ليه اصلا ازعل من الناس

ال بتطلع اي كلام

واتقهر بقي واخش انام

العيب عليا انا

كنت لازم استنصف

مش اي حاجة والسلام

والنبي يابت يا نونو شاعرة

خطيرة XD



#بلا_نيله



نور مانجا



نور مانجا

٧ مارس ٢٠١٥

_انا قررت اقفل الفيس شوية هتوحشوني

_انا قررت اتخلي عن الحجاب

_انا قررت انتحر

_انا قررت اهرش في قفايا

_انا قررت احذف الي مش هيتفاعل معايا وانا

_بهرش في قفايا

_الفستان لونه ايه

_سيلفي وانا بعمل بي بي

_سيلفي وانا مرتاحة بعد البي بي

المحن والإفورة لا دين لهم

مش كل حاجة في حياتكم تشاركونا فيها الرحمة حلوة والعقل احلي واللي

بتعملوه ده وحلة



#بلا_نيه



نور مانجا



نور مانجا

١ مارس ٢٠١٥

كل ما افكر ان الناس اللي زعلت علي الكلب اللي اتقتل
نصهم كان بيغرق كلاب في الترة وهو صغير والنص الثاني كان بيربط
الكلب من رقبتة ويفضل يسحله جر وراه لحد ما يموت خنقا ابقي عاوزه
اقولهم انت مش انت وانت متعاطف



نور مانجا

٢٤ فبراير ٢٠١٥

الراجل اللي اخترع الكعب العالي هو واللي اخترع الكرافتة
ليهم مكان مخصوص في الجحيم جنب اخوهم اللي اخترع البنطلون
الفيزون المشجر



#بلا_نيه



نور مانجا



نور مانجا

١ مارس ٢٠١٥

واكبر دليل علي تفاهتنا

إننا نسينا الناس الي ماتت والناس الي اتحرقت ونسينا ان مصر بتعتذر

ونسينا ان مصر بتحارب

ونسينا ان السجاير غليت وإن البني ادمين رخصت وبقي كل تركيزنا

الفسطان ازرق ولا ابيض



#بلا_نيله



نور مانجا



نور مانجا

٢٨ فبراير ٢٠١٥

الملحدين انواع

لما تقري بوست بتاع واحد تعبان في دماغه بيتناول فيه علي ربنا وعلي الأديان بتقول في نفسك ده ملحد ربنا يهديه الحقيقة هو ملحد فعلا بس ياتري من اي نوع متستغربش ماهو الملحدين انواع في

الملحد المثقف : وده بقي قاري ومطلع وفضل يقرا ويقارن في الأديان كلها عشان يعرف يناقش وهيناقشك مناقشات طويلة عريضة يكشلفك فيها جهلك بالدين وبعدين يستغل ده عشان يحط عليك وعي دينك اي كان وهو ميينقش غير حد هو متأكد انه اجهل منه عشان يتنطط عليه بشوية الثقافة الي عنده



نور مانجا

٢٨ فبراير ٢٠١٥

وفي

الملحد بتاع الجمهور عاوز كده : وده بقي بيبقي ليه شوية معاتيه ماشين وراه ولما بيتدوا ينفصلوه يقوم عامل حركة الإلحاد دي عشان يفهم تابعيه انه مختلف اخر حاجة وعنده اخر صيحة في الإلحاد

وفي

ملحد خدوني معاكو والنبي : ده بيبقي شخص مالوش اي تلاتين لازمة وفجأة اتصاحب علي شلة عسلات كده ودمهم شربات وموهوبين في الإلحاد هو بيمشي وراهم مش حبا في الإلحاد بس هو عاوز يفضل مع الشلة الجميلة دي وخايف يعارضهم احسن ينطروه

وفي

ملحد علي ما تفرج : ده بيبقي حد فاضي ومش لاقى حاجة يعملها فبيقعد يتأمل في الوجود الإنشكاحي الزرومبيحي فيلاقي نفسه مش مقتنع ان راسه تبقي فوق ورجليه تحت ويحط تساؤلات عميقة من نوعية هي الفرخة ولا البيضة ولا ديك ام الفرخة

وفي

ملحد بتاع شوفتني وانا ملحد : وده بقي ليل نهار بوستات كأنه بيقول للناس تعالو شوفوني بقي طب سليفني كده اوانا ملحد الإلحاد ادب يا قلاات الأدب جاتكم الهم



#بلا_نيله



نور مانجا



نور مانجا

٢٦ فبراير ٢٠١٥

عرفت قصة كلب شارع الهرم وإتأثرت جدا عشان الكائن اللي لا حول له
ولا قوة

بس مستغربة إن موت كلب يقلب بلد بتتعامل مع موت شبابها علي إنه
بقي حاجة عادية احنا مبيعديش اسبوع من غير ما نفقد عشرة علي الأقل
من شبابنا

بس مشاعرنا المرهفة اكثر تأثرا بكلب شارع الهرم وقطط نادي الجزيرة من
موت البني ادمين

اه صحيح اصل احنا كتير وعاملين زحمة انما الكلاب والقطط حاجة نادرة



#بلا_نيله



نور مانجا



نور مانجا

٢٥ فبراير ٢٠١٥

التحرش بيحي من هنا

لما كنت في الشقة القديمة كنت بنزل اقضي طلباتي من مول العجمي هو
اسمه مول بس ع قده كده وشعبي حبتين بس الأمر لله ده اقرب سوبر
ماركت

المهم في مرة وانا ماشية في المول ده سامعة اصوات جاية من ورايا بتقول
كده

شايف الي ماشية دي روح اضربها علي روح متخافش مش

هتعملك حاجة وصوت ضحك

وروح ياواد متبقاش جبان

بصراحة مبصيتش وكملت مشي

دقيقتين وحسيت حد ضربني علي رجلي ببص لقيت طفل صغير ميكملش



نور مانجا

٢٥ فبراير ٢٠١٥

٤ سنين ومعاه امه وكائنات تانية مفروض انها امه وخالته مثلا وفطسانين
من الضحك بصراحة مفهمتش عادي يعني ده طفل وخبطني وجري
بس وقفت شوية ارقب الموقف لقيت الأم الجميلة دي بتسلط إبنها
الصغين يضرب البنات علي بس عشان هو صغير مش طایل
فيضربهم علي رجلهم ويجري والأم منفضحة من الضحك قوي
طبعا هو مش فاهم حاجة
مش هقولكم انا عملت فيها إيه بس مش ده موضوعنا
المصيبة إن الطفل ده دلوقت بيعمل كده عشان ماما تضحك وهو مش
فاهم حاجة وبكرة لما يكبر هيعمل كده عشان متعود ومتربي علي قلة
الأدب ومهما عاقبناه مش هيفهم إن دي جريمة
لأنه واخدها من امه جه نوع من الأمهات يستاهلو الحرق احياء
كنت اتمني يكون عندنا قانون يسمح اننا نسحب حضانة الطفل من
الأمهات والأباء اللي اخلاقهم شاذة كده انا متأكدة إن ابن الست دي لما
يبقي شاب هيتسجن في قضية إغتصاب محترمة



#بلا_نيله



نور مانجا



نور مانجا

٢٥ فبراير ٢٠١٥

لما يبقي احمد عز في التلفزيون بيتكلم عن الربيع العربي بكل بجاجة في حين ان واحد زي عبد الرحمن عاصم منتظر علي زمة قضية فيها اتهامات قتل وتخريب وحوالي ١٤ قضية كلهم تلفيق يبقي ليا حق احس بعدم انتماء واحباط



نور مانجا

٢٤ فبراير ٢٠١٥

بندهش جدا لما الاقي واحد من اخوانا الي فاكرين نفسهم متدينين بيطلب منا نقاط بدع الكفار وجميع اعمالهم ماهو ياحج الكمبيوتر والنت والفييس اللي انت داخل منه عشان تقولنا نصايحك الرشيدة من صنائع الكفار مقاطعتهمش انت ليه



#بلا_نيله



نور مانجا



نور مانجا

١٩ فبراير ٢٠١٥

مممم احم احم تست تست تست

في بعض الأصدقاء عالفيس بوك بصراحة مش بثق فيهم وتقريبا كده بينزلوا من نظري يمكن انا اللي غلط وهما صح بس ده رأيي ومش هغيره

-الصديق اللي تتكلم معاه إنبوكس وياخد كلامك سكرين شوت ده

غير محل ثقة إطلاقا مهما كانت اسبابه

الصديق اللي بيبقي ضايفني لمجرد إني بنت تاء مربوطة في قائمة السيادة

الصديق المتطفل اللي بيبقي شايفك فاتح ويبعتلك رسالتين ثلاثة طب يا

اخي مردتيش يبقي مش لازم هبروميت رسالة ما لو كنت هرد كنت رديت

من الأول



نور مانجا

١٩ فبراير ٢٠١٥

الصديقة اللي بتعمل تاج في صورة ملهاش لازمة انا ذنبي ايه اشوف توتي
وهي بتسلم علي شوشو ومنة
وهي بتقلش عليهم
وفي نوع بقي اسوأ من كل دول بيبقي صديق عندي وفي نفس الوقت
كاتب جديد صغنن يعني قوم إيه يعتبر الصفحة بتاعتي لوحة الإعلانات
بتاعة حضرته ولما اقوله خف علينا يقولي بكل سماجة اصل صفحتي مش
متشافة إنما صفحتك زحمة وانا عايز اسوق لنفسي نعم حضرتك وانا ذنبي
إيه

ارحموني يرحمكم الله والنعمة كده عيبيب



#بلا_نيله



نور مانجا



نور مانجا

١٩ فبراير ٢٠١٥

في طايفة في الهند بيعملو عادة وحشية شوية
العادة دي هي ان الست اللي جوزها بيموت بيحرقوها معاه
مميمم عادة وحشية مش كده
كفرة الهنود اصلا ولاد تيت مش كده
طب ايه رأيك اننا بنعمل حاجة اوسخ من كده بكتير
علي الأقل الهنود بيموتوها فبترتاح من عذاب الدنيا انما احنا الست اللي
جوزها بيموت او بيطلقها بنتفنن في تطليح تيت ابو اللي خلفوها
هحكيلكم قصة لا مش قصة دول تلت قصص بس بنهاية واحدة مع
اختلاف الظروف بس النهاية دايمًا واحدة
عن ٣ ستات اتنين اجوازههم توفوا وكل واحدة فيهم معاها بنت ووحدة
جوزها طلقها وكان عندها طفلين



نور مانجا

١٩ فبراير ٢٠١٥

الأثنين اللي ازواجهم اتوفوا

سماح : سنها كان ١٨ لما اتجوزت جوزها اتوفي في حادث وهي سنها ٢٠
وسايب معاها طفلة صغيرة

سماح قررت متتجوزش وتعيش عشان بنتها وخرجت تشتغل عشان تصرف
عليها وماشيين جنب الحيط

الأهل والجيران والعالم مرحموهاش وكلام من نوعية

_ اتجوزي انتي صغيرة خسارة شبابك

_ انتي مش عاوزه تتجوزي عشان تدوري علي حل شعرك

_ لازم راجل يابنتي يحميكي ويحمي بنتك

وقعدوا يضيقوا عليها لحد ما اتضرت تتجوز في الآخر

والنتيجة كانت كده

_ معاشها هي وبنتها اتسخط بقي الربيع (اضطهاد قانوني)

_ الناس اللي كانت بتساعد اليتيمة بطلو (عقاب ليها عشان اتجوزت)

_ الناس اللي ضغطو عليها عشان تتجوز هما نفسهم اللي بقوا يتغمزوا

ويقولوا مقدرتش تصبر علي روحها وجابت لبنتها جوز ام

هالة

جوزها اتوفي وسايب معاها ولد سنه ٣ سنين وهي سنها ٢٥

هي جميلة وشابة ومن حقها تتجوز بس خايفة من كلام الناس وخايفة

علي المعاش وخايفة من اهل جوزها ياخذو حضانة الولد وفي نفس الوقت

خايفة علي نفسها من الفتنة هي بشر برضه فهداها تفكيرها انها تتجوز

عرفي وكانت النتيجة



نور مانجا

١٩ فبراير ٢٠١٥

ان الزوج الراجل قوي مرمطها ومسح بيها ابلاط علي اعتبار ان الجوازة في السر ومش هتقدر تفتح بؤقها سامية

دي بقي اتجوزت وهي سنها ١٧ سنة وخلفت طفلين ولما لقت الزوج انسان غير سوي طلبت الطلاق رفض فرفعت خلع واخذت حضانة العيال بس عشان هي صغيرة وفي بلد ارياف اضطرت تتجوز ثاني قوم ابيبييه الزوج الي هو اصلا غير سوي يرفع قضية حضانة والقاضي يحكمه عشان الزوجة اتجوزت يعني خد العيال من حضن امهم واداهم لراجل مريض نفسيا علي اعتبار ان القانون ابن الكلب بيقول ان الست الي تتجوز تتحرم من عيالها الزوج المختل ده اخد العيال وحرمها حتي تشوفهم لأكثر من ٧ سنين وهي بتعرف اخبارهم بالسمع من الناس وعرفت ان العيال في حالة زفت وعليهم اثار تعذيب فرفعت قضية حضانة ثاني وبرضه اتحكم للزوج علي اعتبار انه افضل للعيال من زوج الأم طيب يعني يا حضرة القانون كنت هتبقي مبسوط لو الأم متجوزتش ومشيت في الحرام في السر عشان تحتفظ بولادها يبقي مش لازم نلوم علي الي بتنتحر والي بتقول انا عايشة بشرفي عشان احنا مش مدينهم اختيارات ثانية قانون عقيم في مجتمع مريض القصص الثلاثة حقيقية



#بلا_نيله



نور مانجا



نور مانجا

١٨ فبراير ٢٠١٥

في امهات كثير لو كانوا يعرفو انهم هيتعبوا ويخلفوا ويسهروا ويربوا
ويكبروا عشان في الآخر ولادهم يخلونا نشتهم بالأم كانوا وفرو تعبهم
عن ولاد المفكوة
ماهي لو مش مفكوة مكانتش جابتهم



نور مانجا

٢٢ فبراير ٢٠١٥

الراجل الي اخترع الكعب العالي هو والي اخترع الكرافة
ليهم مكان مخصوص في الجحيم جنب اخوهم الي اخترع البنطلون
الفيزون المشجر



#بلا_نيله



نور مانجا



نور مانجا

١٦ فبراير ٢٠١٥

معلش سؤال رفيع

الضربة المصرية لما يسمى بأماكن داعش في ليبيا قامت بموافقة وبالتعاون

مع كيان ليبيا المتمثل في حفتر

يبقى لما تيجي قناة الجزيرة تذيع ان الجيش المصري ضرب مدنيين هناك

وانت مش بس تصدق لا وكمان تشير الصورة مع حبة كلام تخين من

نوعية مدنيين ابرياء

يبقى انت محتاج تركز شوية مع نفسك كده

متسلمش عقلك للجزيرة

ولو فرضا ان اللي ماتو في الضربة مدنيين ابرياء والله اللي اتدبحو إمبراح

مكأنوش علب كشري

قناة الجزيرة وهريها منتهي اللامعقوليزم



#بلا_نيله



نور مانجا



نور مانجا

١٢ فبراير ٢٠١٥

اعزائي السناجل والسنجولات

مساء الخير

عاوزه اكلكم في موضوع كدهون بمناسبة يعني ان المحروس الفلانين

عالأبواب

احب اقولكم ان محدش عاجبه حاله وزى مانتو بتحسدونا ككابلز مأنتمين

احنا كمان بنحقد عليكم كسناجل مأنتمين

علي الحلال انتو ما حاسين بالنعمة اللي انتو فيها

بص يا عزيزي الشاب

طول مانت سنجل انت برنس وملك اللحظة وحياتك بتاعتك اهما لو دخل

فيها اي تاء مربوطة يبقي عليه العوض

انت لو مرتبط بالحب



نور مانجا

١٦ فبراير ٢٠١٥

يبقي هتقضيها تليفونات ودباديب وانت مبقيتش تحبني زي الأول وعماد
ابن خالتشي جاي يتقدملي والجو الرخيص ده
ولو انت خاطب يبقي هتقضيها هدية عيد ام وهدية عيد شرطة
ومناسبات وواجبات لحد ماتبقي شحات
وياعيني بقي لو انت متجوز هتلاقي الجان اللي كنت بتشوفه في المرآة
اتحول بقدرة قادر لحنفي او شكري او علي افضل تقدير عبد القوي شعرك
الحلو اللي كان الجيل بيخليه واقف علي حيله ذهب مع الريح
رشاقتك وباسيسباتك راحت في الكازوزة وطلعلك بدالهم بالونة والهانم
تقعده تتريق عليها ليل نهار
ولو انت اب يبقي انسي نفسك خالص وعيش عشان المفاعيص الصغنين
ومرتبك هيروح عالمامبرز واللي بيكح واللي عاوز درس ماث
اما انتي ياعزيزتي الفتاة فحدث ولا حرج
بمجرد ما تنشكي في قلبك وتشاوري علي فارس الأحلام
وانتو مرتبطين هتقضيها تليفونات وامسحي صحابك عالفيس وانا
مستهلكيش واتجوزي عماد ابن خالتك احسن وبلابلا بلا
ولو اتخطبتي يبقي استحملي زيارات خالتك ام فارس الأحلام واقطعي
علاقتك بصحباتك وإيه اللي انتي لابساه ده انتي فاكرة نفسك مخطوبة
لسوسن ولا إيه
ولو جت الطوبة في المعطوبة واتجوزتي يبقي عليه العوض فيكي وفي
شخصيتك
الغزال الرشيق هيبقي بطريق



نور مانجا

١٦ فبراير ٢٠١٥

شعرك اللي كان رايح جاي عالكوافير هيتربط ربطة بهانة العمشة
ومصيبة سودا لو بقيتي ام
شياكتك تنسيها عشان النونو هيجي علي احلي طقم عندك ويقشط عليه
وصحتك استعوضي ربنا فيها من كنس لمسح لطبخ وكل ده كوم وكائن
السلبندر اللي هتصطبحي بيه كل يوم كوم تاني
اعزائي السناجل اسمعو حسين الجسمي محدش مرتاح
والنعمة انتو في نعمة
قالك فلانتين



#بلا_نيله



نور مانجا



نور مانجا

١٨ فبراير ٢٠١٥

بعد ما عرفت ان اللغة الروسية هتضاف علي مناهج التعليم المصرية
تخيلت نفسي بعد كام سنة بقول ل #تويا وهي نازلة عالحضانة
اوعي متخلصيش سندوتشات الخراااشو
قالك تعليم روسي
ده العيال مبتعرفش تكتب عربي ولا انجليزي



نور مانجا

٢٤ يناير ٢٠١٥

الحب من طرف واحد
عامل زي واحد محضر مج نسكافيه في ايده ومستني المية تغلي وهو
حاطط فيشة الخلاط .. مهما استني مش هيشرب حاجة



#بلا_نيله



نور مانجا



نور مانجا

١٠ فبراير ٢٠١٥

التفتيش الأمني في كل حطة في العالم حمادة وعندنا حمادة مات من الضحك

انا بصراحة لما باجي ادخل مول ولا مكان في بوابة إلكترونية ببقني ماسكة نفسي من الضحك بالعافية وبينكم مبقدرش امسك نفسي من ممارسة قليل من الغتاة علي الناس اللي بيقتشوا يعني مثلا وانت داخل مول او مستشفى او سينما هتلاقي الأتي بوابة إلكترونية

هي صحيح إلكترونية بس واضح إنها لقطت شوية غباء من قعدتها معنا عشان يا بتصفر عمال علي بطال يا خرسة مبتنطقش اساسا وورا البوابة دي فرد امن حاجة كده دبلون تجارة تشطيب سوبر لوكس عالمفتاح والشهادة لله بيبقوا جايين ست عشان تفتش شنت الستات



نور مانجا

١٠ فبراير ٢٠١٥

فرد الأمن دهون بقي بيبقي فاهم الزتونة الأمنية يروح باصلك كده من
فوق لتحت لتحت لفوق ويشاورلك بإيد الكريمة بمعني عدي
والست اللي بتفتش الشنط تروح حاطة ودنها عالشنطة وتهزها بصراحة
كم تمنيت ان القونبلة تنفجر في إحدي المرات وهي بتهز الشنطة عشان
تحرم تهزها بالطريقة الهبلة دي تاني
وياسلام بقي ياسيدي لما تكون داخل بعريبتك نظام بقي افتح الكابوت
واقفله ويلف لفة هو وسعادة البيه الكلب البوليسي حوالين العربية قال
يعني قفش التيتة
هي الناس دي مبتتفرجش علي افلام عربي مشافوش الست نادية الجندي
في فيلم خالتي بتسلم عليكم لما كانت حاطة القنبلة لامؤاخذة في احم
احم قصدي يعني كانت مخبياها كويس
طب بلاش نادية مشفتوش فيلم ترمينيتور لما كانوا حاطين القنبلة في شاسية
العربية
يلا ماعلينا المهم اننا امنيا بنظبط ونسيطر وبنفذ التعليمات اللي عفا عليها
الزمن وسمعني سلام خالي السلاح صاحي
يا تأمين عدل يا تخبي خيبتك بشكير وتتوكس



#بلا_نيله



نور مانجا



نور مانجا

٣١ يناير ٢٠١٥

لو إنت فرحان بموت افراد الجيش عشان تثبت إن السيسي علي خطأ تبقي
حلوف

ولو إنت شايف إن الي عمل كده إخوان تبقي اهبل
عشان الإخوان لو بالقوة دي والذكاء ده والسلاح ده مكنوش اتدبحوا زي
الفراخ في رابعة

ولو انت بترغي في اي حاجة عشان تبقي محلل سياسي الله يباركك اتلهي
واقراً الفاتحة للشهداء عشان لما يجي الدور علينا نلاقي الي يقرالنا
الفاتحة



#بلا_نيله



نور مانجا



نور مانجا

٢٧ يناير ٢٠١٥

قناع توت عنخ امون واللي حصله
زعل ناس كتير وخلي ناس كتير إتفاجئت
بس انا لأ عشان متعودة علي كده
هحكيلكم عن حاجة
جدتي الله يرحمها كانت من اسيوط وكان جنب قريتها علطول قرية اسمها
مير قرية مير الفرعونية
وكانت جدتي وكل اللي من سنها واللي قبلهم ليهم مثل عجيب شوية
الفقري فقري حتي إن سكن في مير وإن زرعة ياكلها الطير #
المثلل معناه إن الإنسان النحس نحس حتي لو سكن في مير
قرية مير كانت معروفة زمان ولحد دلوقت انها ارض الذهب
اكثر مكان في العالم فيه اثار فرعونية معموله من الذهب الخالص



نور مانجا

٢٧ يناير ٢٠١٥

وكان اهلها علي مر الزمن يكتشفوا الكنوز دي ويبيعوها للمحتلين والهواة
واي حد وكانو طبعا بيغتنوا جدا ما هم ساكنين في مير بقي ومعظم
تجارتهم في الأثار كانت بتتم بمساعدة موظفين وخبرا في وزارة الأثار نظرا
لقدرتهم الفريدة في تثمان الكنوز دي
وفضلت الحكاية دي ماشية فيهم من جيل لجيل
لحد من فترة كده لما الحكومة بدأت تأخذ بالها شوية بدأت تضيق عليهم
في تجارة الأثار
حصل إن شخص عثر علي تمثال من الذهب الخالص وزنه حوالي ٦٠ كيلو
جرام
حاولو يخرجوه بره ما امكنش
حاولو يجيبوله مشتري لحد هنا
اللعبة اتكشفت وكانو هيتقفشوا عشان مرضيوش ينصصوا مع ظابط فاسد
قوم الخبير اللي بيصاعدهم عشان كان مستعجل علي نصيبه في التمثال
اقترح علي شركائه انهم يسيحوه ويبيعوه ذهب عادي
وحصل للأسف انهم حطو التمثال في واحد من افران الطوب وسيحوه
وده العادي
لما تركة كبيرة تقع في ايد ناس ميستهلوهاش علي شوية ضماير خربانه



#بلا_نيله



نور مانجا



نور مانجا

٢٧ يناير ٢٠١٥

هستني ايه من شعب عايش في غيبوبة
يلهيه رغيّف وتدوخه انبوبة
كل تفكيره في نانسي وزوبة
وهيفا اتطلقت ولا حامل ولا مخطوبة
دي ناس شالت عقولها حطت مكانها طوبة



نور مانجا

٢١ يناير ٢٠١٥

نوع من انواع البجاجة الصيرف
ان حد يسرق بوست من حد ولما تقوله إيه ده يقولك إيه عادي توارد افكار
استقيموا يرحمكم الله وبلاش مقاوحة في الغلط



#بلا_نيله



نور مانجا



نور مانجا

٢٦ يناير ٢٠١٥

في نوعية من الكائنات عايشين معنا علي نفس

الكوكب الفيس بوكي

والنوعية منها ذكور من نوعية

مخاوي الليل

الواد الجامد

وإلي اخره من الأسماء العجيبة

وده كائن في منه مسالم بيتغذي علي البلوك ويحلي بالشتيمة ويبقي

منشكح اخر حاجة

ونشاطه عبارة عن شقط بنات من البوستس بتاعة صحابه تلاقيه راح

مبرشط في البوست واي تاء مربوطة وارشق يا معلم البنت تبقي كاتبة واو

جميل وده يقولها روعة كومنتك بتدل علي رقة إحساسك إلهي تنشك في



نور مانجا

٢٦ يناير ٢٠١٥

إحساسك يابعيد

وفي منهم النوع الشرس وده بقي من اكل لحوم البشر تلاقيه بعثلك صور
قبيحة بدون سابق معرفة ويهكرك ويشتم صحابك او ينزل صور سافلة
عالوول بتاعك تقولي هيستفاد إيه اقول بيرتاح لما الناس تدعي عليه
الأثني الفيس بوكية من الكائن ده ترفع صورتها وهي واخدة وضع البوس
وتلاقي الكومنتات من نوعية
ابو عمر ؛ ماشاء الله قمر

ابو نواف ؛ فديت هالعيون والله وحاطط صورة بوكية ورد
توتي وفوتي وميمو وميوش ؛ واو طول عمرك موزة يوغتي عاتي بوسة
اموووووووووووا وهما اصلا مش طايقينها
ابو فهد؛ يا قمر ارجو قبول الأضافة
فارس الأحلام ابو تفة ؛ واو كيوت اخر حاجة
والسؤال هنا

صحيح من حقت تنزلي صورك بس هل انتي راضية عن نفسك وانتي شايقة
كومنتس من النوعية دي
انتو مين ومين اللي بيمولكم وهل ليكم مييدات او بودرة نرشها ولا ايه
النظام



#بلا_نيله



نور مانجا



نور مانجا

٢٣ يناير ٢٠١٥

الهانم في السوبر ماركت

استحملو بقى شوية بوستات من السوبر ماركت لحد ما اقدر اخرج تاني
وانا داخله السوبر ماركت من يومين داخل جنبي راجل بيجر التول بتاعة

السوبر ماركت وجنبه ماشية المدام زي الفل

اول ممر بتاع الألبان الست بتختار الحاجات وترمي في التول والراجل

ماشي جنبها ساكت

انا مضطرة امشي وراهم عشان ماشيين جنب بعض بالعرض والنظام في

فتح الله النخيل ميتفعلش امشي من حته تانية هما عاملينه بطريقة غبية

شوية معلش

المهم جينا عند المكروونات

والراجل ياعين امه مد ايده واختار كيس مكرونة



نور مانجا

٢٣ يناير ٢٠١٥

تقوم الهانم المحترمة مراته
تزرغله وتطبق وشها كأنها هتتحول وفجأة صوتها طلع زي ذكر الخريت
الغضبان

_ هو انت مبتفهمش انت مبتحسش ازاي يعني عايضة افهم
_ بصراحة سبت اللي في ايدي وقولت اشوف في ايه ماهو مش معقول
تكون بتعمل كل ده عشان اختار كيس مكرونة ب ٤ جنيه
الاقى البيه بيرد علليها بصوت واهah

-سوري معلش والله
_ معلش ايه وزفت ايه انت مالك انت بتختار ليه من امتي انت اللي
بتختار ومكرونة ايه اللي انت عايذ تطفحها اللي انا اعمله هو اللي هيتاكل
فاهم و لأ

كل ده بيحصل كثير
بس تعليقي انا عليه
رسالة للهانم القوية المفترية
مش عيب ان شخصيتك تكون اقوي من شخصية جوزك دي خلقة ربنا
:العيب انك تقلي ادبك عليه قدام الناس وقدام ابنكم كده الولد هيطلع
معقد

جوزك احترامه من احترامك لنفسك ا
رسالة للبيه شرابة الخرج
انك تكون شخصية مسالمة مش عيب العيب انك تمحي كرامتك قدام اي
حد مهما كان

الجنس الناعم ناعم والجنس الخشن خشن



#بلا_نيله



نور مانجا



نور مانجا

٨ يناير ٢٠١٥

يعني افتح رسايل الفون
الاقى دي

لو عايز تحمل اغاني نصره رسول الله ابعت للرقم ده

لو عايز كول تونك غنوة لنصره المصطفى اضغط كذا

حقيقي الشركات دي متفرقش كثير عن الدود اللي بيتغذي علي الجثث

حتي إهانة الرسل بتتاجرو بيها ياولاد السافلة

هو الرسول مبدئيًا مش محتاج اغاني لنصرته ياشوية حيوانات

وإزاي اصلا غنوة تافهة مغنيها مطرب جاهل ما يعرفش اي حاجة عن

الإسلام غير إن امه زلطته مسلم والمنتج قاله غني فنتع الغنوة الفشيخة

دي

انا ساعات بحس أن الشركات دي بتفرح بأي احداث شغب او رسوم



نور مانجا

٨ يناير ٢٠١٥

مسيئة للدين عشان تقرفنا بالإعلانات الزفت دي
هتنتصروه إزاي بمطرب مفتول العضلات بيقوق وهو بيغني
ولا بمطربة اخر معلوماتها عن النصر انتصارها علي السيلكون
اتقو الله وارحمونا

انا من كتر القرف كنت هرمي الفون في الزبالة
نفسى الشركات دي تنضف بقي وكفاية متاجرة



#بلا_نيله



نور مانجا



نور مانجا

٧ يناير ٢٠١٥

يعني عاصفة هدي الأردنية وزينة البنانية يعملو فينا كده
طول عمرنا الحريم جايانا ورا
عارفين لو كانت اعاصفة اسمها محسن مثلا ولا مختار مكناش اقمطنا
كده



نور مانجا

١٧ يناير ٢٠١٥

يقولك بتعرف الأخوات منين
قاله اخويا اللي يزعلني يزعله اللي يجي عليا يجي عليه
اللي يجرحني يجرحه
انا عنده اهم من اي حد .. قاله طب وغير كده
لا غير كده راجع نفسك وإتأكد إنه اخوك اصلا



#بلا_نيله



نور مانجا



نور مانجا

٥ يناير ٢٠١٥

احنا كل حاجة عندنا اوفر

برد اوفر

حر اوفر

تأييد اوفر

معارضة اوفر

جهل اوفر

كل حاجة اوفر ماعدا الشغل

يا عالم يا اوفر



#بلا_نيله



نور مانجا



نور مانجا

٣٠ ديسمبر ٢٠١٤

خطف ساعة نوم كده من ورا مدموزيل تويبا بس برضه لازم تحصل
حاجة تصحيني وتقل مزاجي عارفين صحيت علي ايه
صحيت علي صوت خناقة بين جارنا ومراته
والله العمارة متصممة شيك بحيث منسمعش بعض بس الأخ المحترم كان
صوته اعلي من المسافات والحيطان
عادي ان كل زوجين يتخانقوا ووارد ان صوتهم يعلي حسب تربيتهم
واخلاقهم لكن الي مش عادي
ان الراجل المحترم اثناء الخناقة يذيع ادق اسرار مراته الأسرار الي توجعها
وتعري ضررها
البية الذكر بيقولها: ماهو لو كنت اعرفك اب ارد عليه كنت رديت
لو ليكي راجل مكنش ده يبقي حالك



نور مانجا

٣٠ ديسمبر ٢٠١٤

وهي ترد بإنكسار: وهو انا ذنبي انا ابويا سابني صغيرة ومعرفش مكانه
الجعر الحلوف المجنح قائلا: ماهو عشان كده طلعتي سايبة يا بنت
المفكوكة

ياختصار وانا قاعدة في بيتي من غير ما اتحرك عرفت ان المسكينة ابوها
سابها وهي طفلة وطفش بقي مات الله اعلم وهي متعرفش عنه اي
حاجة وحاولت ودورت ومافيش فايده وكانت فاكرة لما تتجوز الراجل
هيبقي حمي وضره ليها طلع هو اللي بيسيجلها وخالاني انا وغيري نعرف
اسرارها وخصوصياتها

اللي يغيظك بقي يا مؤمن انهم بعد ربع ساعة سياح وخناق اتصالحوا
طيب سؤال: لزومه ايه ننشر غسيلنا الوسخ طالما هنرجع نتصالح
ليه الراجل لمحترم يشرشرح لمراته بالشكل ده
:طب لما هي مش عاجباك اتجوزتها ليه
اتجوزتها جدعنة يبقي تكمل جدع للأخر وخليك محترم في خلافك معاها
جاتكم الهم مليتو البلد



#بلا_نيله



نور مانجا



نور مانجا

٢٧ ديسمبر ٢٠١٤

العريس خلع !!!!!!!!!!!!!!!

البننت في بلدنا اللطيفة دي بعد ما بتعدي العشرين بيحصلها مواقف كتير
قوي بايخة

مش هنتكلم عن الجارة الرخمة ال كل ما تشوف خلقتها تقولها ربنا

يفرحنا بيكي يا حبيبتي والضحكة الصفرا اياها

ولا هنتكلم عن الخالات والعمات ال بيقدو يفرجوها علي فستان وجهاز
بناتهم

ولا حتي عن زمايل الشغل والعمران ال بيقدو يجيبولها عرسان دايس
علي امهم قطر

بس اكثر موقف محرج وجارح للبننت

لما يجي واحد كده ماشاء الله عليه يعني لقطة فلتة زمانه ننوس عين امه



نور مانجا

٢٧ ديسمبر ٢٠١٤

ال خراط الشباب خرطه ومات

يجيب الست الوالدة ويجي كدهون ساحب ام فارس الأحلام في ايده
وجاي علي البيت ده كده بالسمع يعني زي ال رايح عند البقال ده عشان
عرف ان عنده جبنه كويسة اهو المحروس ده بيبقي جاي ع البيت ده
سماعي يعني سمع ان في بنت هنا وجاي يتفرج حبيب ماما
يجي ويقعد في الصالون ويشرب الجاتوه وياكل الشاي ويتفرج ع البنت
المسكينة ويوشوش امه وامه توشوشه وياخدو بعضهم ويمشو ويقولو
هنبقي نتصل ويخلعو

اه والنعمة عادي كده بيخلعو بدون اي مراعاة لشعور المسكينة دي ال
خدت اجازة وقعدت تستني الأمور ولا مراعاة بقي للأسئلة ال هتاقلها
من نوعية ها عملتي ايه مع العريس ال جه امبارح اوعي يكون خلع زي
ال قبله يعني يا حضرة المحروس اكيد في طريقة ادمية تشوف البنت قبل
ما تدخل بيت اهلها وتجرحها كده جتك الهم والله لو اشوفك كنت اعلقك
من حواجبك



#بلا_نيله



نور مانجا



نور مانجا

١٦ ديسمبر ٢٠١٤

شوفي يا عزيزتي الأثني

محدث هيجبلك حقك في ام البلد دي غير دراعك

هتتعاكسي في الشارع هيتقالك غيري لبسك

تتعاكسي في الفون هيتقالك غيري رقمك

تتعاكسي في الشغل هيتقالك غيري اسلوبك

يعني باختصار انتي اللي مطلوب منك تغيري كل حاجة في حياتك عشان

كائن الحلوف المجنح كرشه بيمينعه من التغيير

فتغيير بتغيير بقي غيري معالم وشه اخرمي عين اكسري مناخير اضربه بين

..... عنيه اهو اللي ايدك تطوله

واهو تبقي غيرتي صحيح



#بلا_نيله



نور مانجا



نور مانجا

١٥ ديسمبر ٢٠١٤

التعليم في كل حنة في العالم خطوة للأمام بس التجربة العملة اثبتت عندنا
انه عشر خطوات للخلف
هديلكم مثال بسيط عشته وشفته
عن ملك بنت من العيلة
لما اتولدت ملك كانت توأم ولأن امها كانت صغيرة ومحتاسة وانا كنت
فاضية فتوليت العناية بملك اول ٥ سنين من عمرها
البنات ماشاء الله كانت ذكية جدا وعشان احنا كنا في بيئة شعبية والأم
والأب مش في دماغهم جو كي تو والكلام ده قررت اعلمها الأساسيات في
البيت عشان لما تروح المدرسة تبقي شاطرة
وحصل بقت ملك صاحبتني بقي ونلون سوا ونتكلم إنجلش سوا ونغني
إنجلش كمان ده غير انها حفظت جزء عم وتبارك وبقت تعرف تحل



نور مانجا

١٥ ديسمبر ٢٠١٤

مسائل حساب بسيطة

وعندها قدرة تقري قصة اطفال من اللي بتبقي حوالي خمسين كلمة معه الصور والتلوين ده غير انها ممكن تعمل محادثة بسيطة إنجلش يعني لو احنا برة ممكن تقولي عاوزه تاكل إيه او عاوزه تنام او عاوزه تواليت كل ده إنجلش

انا كنت فرحانة بيها قوي وكنت حاسة انها لما تدخل مدرسة هيزيد

نشاطها وتتعلم اكرت بقي وتبقي نابغة

ملك راحت المدرسة وكان لازم اسببها ترجع بيت اهلها عشان تبقي مع

اختها في كل حاجة

وانا اتشغلت شوية في شغلي وجوازي يعني غبت عنها حوالي سنة

ومن شهر جت تقعد عندي يومين هنا

لقيتها بقت واحدة تانية خالص

اولا نسيت كل اللي اتعلمته معايا قبل المدرسة واتحولت لكائن لطخ كده

مش بتفكر في اي حاجة غير انها تاكل وتنام

ولما سألتها بتاخدوا إيه في المدرسة قالتلي ان اليوم بتاعها بيبقي كده

أبلة ميرفت بتيجي تديهم انجليزي يفتحو الكتاب ويناموا عالدسك

وبعدين في الدرس هي هتبقي تحللهم الواجب والأستاذ إيهاب بتاع العربي

بيقولهم اللي معاه اكل يطلعه وياكله من غير صوت وينزلوا الحوش في

الفسخة يلما الورق وياكلوا كشري من عند ام اشف وخالص

بقولها طب أكثر حاجة بتحبها في المدرسة إيه قالتلي بحب لما الأبلة تدينا

واجب صغير وتحلهولنا في الدرس



نور مانجا

١٥ ديسمبر ٢٠١٤

ملك مبعثش عارفة ٤+٤ كام بس الميس والمستر بيدوها عشرة من عشرة
عشان هي عندهم في الدرس وهي شايقة إن كده كويس وكلهم بيقولوا
عليها شاطرة
انا في سري
ياريتك مادخلتي مدرسة ولا شفتيها ياخسارة



#بلا_نيله



نور مانجا



نور مانجا

١٥ ديسمبر ٢٠١٤

هواية جديدة اكتسبتها من احتكاكي بالوسط الأدبي

مبدئياً مش اي رواية بتشوفها في البيست سيلر تكون فعلاً بيست سيلر
عشان في ناس بتدفع للعاملين في المكتبة عشان يحطو رواياتهم في البيست
سيلر وكمان في مكنتات بتكون تابعة لدار نشر معينة بتحط روايات الدار
بتاعتها بيست سيلر عمال علي بطال

انا بقى بقيت اقعد اركز في كل بيست سيلر عشان اقدر اميز هل دي
محطوة بنزاهة ولا حركة

اولا البيست سيلر المعمولة بنزاهة هتلاقي فيها تنوع كبير رعب علي
روايات طويلة ومجموعات قصصية وساخر



نور مانجا

١٥ ديسمبر ٢٠١٤

وهتلاقي نفس الروايات دي او معظمها محطوة بيست سيلر في اكر من

مكان

امما لما تروح مكتبة مثلا وتلاقي خمسة ست من اصدارات الدار المالكة

للمكتبة في البيست سيلر وجنبهم كتب محدش سمع عنها غير في طبق

اليوم افهم انها مطبوخة

ومن بيست لبيست متقولش لبست



#بلا_نيله



نور مانجا



نور مانجا

١٣ ديسمبر ٢٠١٤

ام واب عايزين ضرب الشبشب

امبارح كنت في مول داون تاون اسكندرية

وعشان امبارح جمعة فالدنيا زحمة بقي وهيصة

وقبل مانروح بشوية دخلنا كارفور عشان نشترى شوية حاجات قبل ما

نروح وعند قسم الملابس

كان في اسرة عبارة عن اب وام وطفل كبير شوية (٤) سنين مقعدينه في

الترولي بتاع الماركت وطفل ثاني لا يمكن يزيد عن سنتين ممشينه جنبهم

علي الأرض جميل اسرة جميلة

اللي مش جميل بقي ان الأم الأمورة اتشغلت في عرض كده علي البدييات



#بلا_نيله



نور مانجا



نور مانجا

٢٩ نوفمبر ٢٠١٤

ماهو الشعب اللي بقاله اربعين سنة بيتفرج علي دعاء الكروان ولسة
بيتفاجئ ويعيط علي موت هنادي
طبيعي انه يتفاجئي ببراءة مبارك
ناس طبيين قوي يا خال



نور مانجا

٢٩ نوفمبر ٢٠١٤

في اديب رائع المعاني والألفاظ
وفي اديب راقع فول في الإنجاز



#بلا_نيله



نور مانجا



نور مانجا

٩ ديسمبر ٢٠١٤

هو ليه الأفلام العربي من يوم ما اخترعوا السينما بتدور حوالين اربع
مواضيع مافيش غيرهم
-البطل ال بيحب البطلة وفي واحد رخم عاوز يخطفها منه وابوها بيشجع
الرخم علي رخامته
-الواد الحرامي ال الدنيا كلها بتحبه وبيطلع براءة في اخر الفيلم
-العيال الطيبين ال بيتخانقوا مع الحرامية الوحشين وينتصروا مع كلمة
النهاية
- والست نادية الجندي الوطنية الوحيدة ال بتحب مصر ويعذبوها عشان
خاطر مصر ويبوسوها بالعافية عشان خاطر مصر
ياعيني عليكي يا مصر محدش بيحبك غير نادية الجندي
اسفين يا مصر مالكيش غير نادية



نور مانجا

٨ ديسمبر ٢٠١٤

واول ما يبتدي يجيلك اعراض ادمان سيادته هييدا يستغلك بقي بشتي

الطرق ✘ حلوة شتي الطرق دي

اقربلي ده واكتبيلي ده وروحي احلقي بدالي وتعالى اهرشيلي في قفايا

لحد ما يشطب علي الطاقة اللي عندك وهوووووووب تبقي قديمة ومملة

وهوووب يتعملك بلوك وهوووب يصطاد حد تاني وتعيشي وتاخدي غيرها

وهو ماشي في السكة بقي ممكن يخسرك صحابك يخسرك منظرک قدام

الناس عادي بقي بس الصراحة هتكوني قضيتي وقت لطيف لطيف يعني

قال مثقف وحساس قال جتكم نيلة مليتو البلد



#بلا_نيله



نور مانجا



نور مانجا

٨ ديسمبر ٢٠١٤

قالولي فيه قرية ذكية !!!!!!!!!!!

هناك مصالحك مقضية

ولاحاجة ابدأ راح تحصل وتعطلك النوبة ديا

روحت ولقيت نفس النيلة

وورقي مع ابلة عديلة

اقولها امضي تقوم رامية

ملفي للأستاذة سامية

وسامية بتقمع بامية

وتدعي عالمحروس جوزها

ياسيدي علي لوية بوزها

بعتنني للأستاذة بائعة



نور مانجا

٨ ديسمبر ٢٠١٤

بتحل كلمات متقاطعة
وبتشكي مالمية القاطعة
اقول يا عالم مشوني
يقولولي الصبر شوية
روحي لنبييل اخر الطرقة
ودمي محروق كذا حرقة
اروح يقولولي ارجعي تاني
لسامي في الدور تحتاني
تعبت منكم اه ياني
ولا حاجة ابدا مقضية
مافيش ذكاء ابدا فيها
غير الغباء ال ماليها
وصرفتوا اموالنا عليها

تكيف وزرع علي قيشاني
وظفتو فيها ناس رخرة
وغباؤها دا ال عامل زخرة
هموت يا علم الرحمة
امال لو ماكانتش ذكية



#بلا_نيله



نور مانجا



نور مانجا

٦ ديسمبر ٢٠١٤

الشقة بتاعتنا رغم انها حلوة وعاجباني بس طلع فيها عيب خطير
بلكونتها مكشوفة للبلكونة الي جنبها يعني ببساطة كأننا قاعدين مع
الجيران في الفسحة

مكناش نعرف ده في الأول عشان الشقة الي قصادنا كانت فاضية بس
للأسف سكنت

والسكان الجداد اسخف انواع البشر

جارنا الجديد بيفكرني بخال محمد هنيدي في فيلم عندليب الدقي وغاوي
شيشة وقاعد في الكورنر الي لازق في شقتنا ليل نهار يعني ببساطة لو
طلعت البلكونة هتأذي بكتاف وفخاد البيه ولو قعدت في الصالون
هتعمي من ريحة الشيشة وبيطبق نظرية محمود سعد في التدين
الوسطي الجميل هو لابس الفانلة واللباس والمودام بقميص البيت ابو



نور مانجا

٦ ديسمبر ٢٠١٤

حملات ليل نهار

يعني اتحرمتنا من البلكونة اللي بتبص عالبحر للأبد

يعني لابسين كده في البرده امال في الصيف هتطلعولنا ايه ملط مثلا

ثم انا ذنبي ايه اصطحب بفخاد وكتاف البيه والهانم كل ما احب ادخل

بلكونتي

فخاد إيفري وير

حد يوريني اللي صمم ام البلكونة دي عشان اولع فيه

مافيش ذرة خصوصية عند الحلوف المجنح حسبي الله ونعم الوكيل



#بلا_نيله



نور مانجا



نور مانجا

٤ ديسمبر ٢٠١٤

الكهربا بتقطع في الشتا ليه يانور عنينا
معلش ياشعب بفرقها عالي حوالينا
كهربتنا بتكهرب ليبيا واحنا قاعدين
وغازنا بيروح إسرائيل واحنا قاعدين
فلوسنا متنظورة في سويسرا واحنا قاعدين
ولما اتنحنلنا
قمنا اتخطينا بقي



#بلا_نيله



نور مانجا



نور مانجا

٤ ديسمبر ٢٠١٤

اول ما سكنت في العجمي تحديدا في النخيل
سكنت في الشتا المكان بصراحة كان قطعة من اوربا وخصوصا مع وجود
السوريين وخدماتهم وادبهم
فمن كتر ما كنت مبسوفة بالمكان كنت بقعد اقول لأصحابي في القاهرة
يجوا يقضوا هنا يومين
لحد ما واحد سئ الحظ سمع كلامي وجاب اخوه واتنين صحابه وقالو
يقضوا يومين عالبحر في الهدوء
هما وصلوا وأجروا شاليه
ودخلو يناموا ساعتين صحبوا ملقوش العربية
صاحب العربية محامي اصلا فطبيعي انه يمشي قانوني
راح القسم وعمل بلاغ بمواصفات العربية



نور مانجا

٤ ديسمبر ٢٠١٤

_لا يمكن انا هصعد الموضوع

_طب والنبى وانت بتصعده مسيلي علي حازم باشا العمري وقوله اني
خلصت في الأسكودا الفضي بتاعة الموزة اللي بلغت امبارح وبوسلي القانون
من بؤقه



#بلا_نيله



نور مانجا



نور مانجا

٢٨ نوفمبر ٢٠١٤

افتح قناة الجزيرة الاقي البلد بتولع
افتح القنوات المصرية الاقي الدنيا اخر روقان
هو ماحدش بيقول الحقيقة في البلد دي غير قناة التت
بس كاميليا الرقاصة حلوة مافيش كلام



نور مانجا

١٠ ديسمبر ٢٠١٤

البننت اللي بتوافق علي اي عريس يتقدملها بحجة انه لقطه
زي بالظبط اللي بيشتري زحافات جليد عشان عليها عرض خاص
لا اللقطه هيطلع لقطه ولا هتلاقي جليد تستعملي عليه الزحافات



#بلا_نيله



نور مانجا



نور مانجا

٢٦ نوفمبر ٢٠١٤

عزيزتي الفتية

فكك ياختي من جو كاظم واخاف ان تمطر الدنيا ولست معي والجو ده
اسمعي مني مافيش حد هينفعك في البرد ده غير مج سحلب محترم سبقه
طبق محشي معتبر

خليكي كده بكرامتك لكلوكك في رجلك زعبوطك في راسك كتابك في ايد

ومج السحلب في الإيد الثانية والي يقولك نخرج في المطر ده يا ماما

بيبقي عايز يجبلك التهاب رئوي عشان يفرکش معاكي ويعلق زوزو انجيه

فهمتي ياسمك ايه



#بلا_نيله



نور مانجا



نور مانجا

٢٤ نوفمبر ٢٠١٤

كنت قولتلكم من ساعتين اتي نازلة وطلبت منكم تدعولي يا اندال بس واضح انكم كسلتوا تتوضوا وانتو بتدعوا فلقد قابلت سواق امور مشغل مهرجان الكمة وقاعد جنبه واحد رمة عمال يشتم في الثورة والشعب والعيش والعيشة وخصوصا الحريم الراجل قعد من الهانوفيل لحد البيطاش يدعي علي الحريم لدرجة اتي بمد ايدي للسواق بالفلوس فرد هو عليا وقال ابقو خلوا معاكو فكة وانتو بتركبوا ربنا ياخذكو فكان ردي: هو حضرتك عشان المدام مدياك شبشبين هتطلعهم علينا ولا ايه وعموما واضح ان الشبشبين مكانوش كفاية وهتاخذ عليهم كمان نص دستة ولما وصلت معمل التحاليل لقيت الدكتورة الأمورة ماسكة سندوتش الطعمية في ايد ومج الكافي ميت في ايد وقالتي وبوقها محشور اكل تعالي



نور مانجا

٢٤ نوفمبر ٢٠١٤

بعد نص ساعة

وبعد ما خلصت تحاليل لقيت الدنيا مطر والجو جميل قولت اروح سوق
الهانوفيل وهناك بقي يا مؤمن الست اللي بتنقي سمك لازم ولا بد تمسح
ايديها في هدومي قال يعني بتطبطب عليا
والراجل بتاع الخضار اقوله عايزة بطايطا يقولي وماله القلقاس كفر يعني
لدرجة اني حسيت اني وقعت في فيلم كارتون وقعت ادور علي المخرج
عشان يحط مشهد النهاية لأني استويت تقوم تختم بمستر بريذنت ابو
سيد البواب وهو بيقولي يا مودام نوووووووووووووووووووورما ينفعش
تدخلي دلوقت عشان هتوسخي المدخل
يلا اهو حلال عليه اللي خده
بعد كده ابقو ادعو بذمة يا رخمين



#بلا_نيله



نور مانجا



نور مانجا

٢٠ نوفمبر ٢٠١٤

بنجلاديش والي منها

يعني الصينين غزو كل زوخنيقة في البلد وقولنا ماشي اهو بضاعتهم

رخيصة وناس في حالهم بياكلوا عيش

اخواننا السوريين علي راسنا الله يردهم بلادهم سالمين بس ناس مهذيين

وخدومين ويتحبو من زوقهم واهو اللي ليه رزق مكتوبله في البلد دي

حلال عليه

لكن في هنا داهية من دواهي الزمن اسمها العامل البنجلاديشي

انا معرفش دول دخلوا البلد تحت انهي مسمي وياه القانون اللي بيتطبق

عليهم

العامل البنجلاديشي

بيرضي ياخذ مرتب ٧٥ دولار في الشهر يعني حوالي ٦٠٠ جنيه في الشهر



نور مانجا

٢٠ نوفمبر ٢٠١٤

وبيقبل يشتغل اي حاجة وتحت اي ظروف حتي لو طلبت منه ينتحر
بيعيشو تجمعات ٢٠ أو ١٥ شاب في شقة واحدة عشان يقسموا الأيجار
وبيناموا علي البلاط عادي
كل ده ميفرقش

اي نعم بياخدو مكان العامل المصري عشان في شركات بنت تيت بتستغل
انهم مش خاضعين لقانون العمل وبتلطش فيهم براحتها
بس كمان العامل البنجلاديشي فوق إن هو معفن ورمة لا ده كمان
متحرش بطبعه

تخيل كده تبقي راكب ميكروباص وفي الكرسي الي قدامك اتنين منهم
وقاعدة جنبهم بنت ودول هات يا حك وتحرش وقلة ادب
هتقولي ده موقف واحد هقولك لأ هما هنا في العجمي كتير ووساختهم
باينة لدرجة انهم اتهموا علي واحدة ست ساكنة في نفس العمارة الي
هما فيها استغلوا وجودها وحدها واغتصبوها وبعدين عزلوا من الشقة
والست حقتها ضاع طبعا

العامل البنجلاديشي كان السبب ان عمال السويس للحديد والصلب
المصريين مرتباتهم تقل ويتقالهم الي مش عاجبه يغور ونجيب بنجلاديشي
بداله

العامل البنجلاديشي واخذ مكان المصري في المواني التجارية بأقل اجر
ممکن

ياتشوفوا قانون يظبطهم يا تغورهم من هنا ولا القوانين اتعملت لسحل
الطلبة بس



#بلا_نيله



نور مانجا



نور مانجا

١٩ نوفمبر ٢٠١٤

عاش الباشا حامي الأمن ومطهر البلد
كنت قولتلكم من كام يوم ان في حد حط رقمي علي صفحة زباله بقيت
اقفل فوني شوية واشتم شوية لحد ما واحد صديقي جابلي اللينك بتاع
الصفحة فخلت اصحابي دخلوا رفعوا بوستات دينية وريبوتات ومعرفش
لحد هنا وتمام
من يومين لقيت التليفونات زادت ثاني وبصراحة انا مخي جزمة ومش
هغير رقمي عشان واحد ابن جزمة بيلعب بالرقم
المهم قولت ابص في الصفحة الزباله دي اشوف هو رفع الرقم ثاني ولا ايه
اللي حصل خلي التليفونات زادت ثاني ليه
ولقيت ايه بقي نفس الأكونت ده اللي ناشر رقمي ناشر ارقام اكثر من
خمسین بنت وكاتب جنبهم معلومات عنهم زي الأسم وكونها طالبة او



نور مانجا

١٩ نوفمبر ٢٠١٤

متجوزة

لحد هنا وقولت الي زي ده لازم يتري
وعشان انا بحترم اسمالله عليه القانون
قولت امشي رسمي الصبح رفعت بوست اسأل علي مكان ابليغ شرطة
الأنترنت

واتبرع اصحابي وقالولي اوصل ازاى وادوني ارقام التليفونات
واتصلت بقسم الي في القاهرة الي سألني علي محل إقامتي وعرف إني في
اسكندرية فإدالي رقم مكتب شرطة الأنترنت في اسكندرية فاتصلت وكانت
المكالمة كالتالي

-الو من فضلك عايزة اعل بلاغ عن اكونت فيس
- خير يا مدام عمل إيه
- نشر رقمي وارقام تانية وكاتب جنبه الفاظ تعتبر سب وقذف
-الأكونت ده بيتكلم في السياسة
-لا

-شتم الحكومة او النظام هاتي البوست وتاريخه واللينك
-لالالا مشتمش في النظام
- طب شتم سيادة الرئيس
-ياسيدي بقولك لأ ده ضايقني انا
-اتفضلي يا مدام غيري رقمك احنا مش فاضيين للتفاهات دي
-حضرتك مقدرش اغير رقمي
- يبقي متشتكيش



نور مانجا

١٩ نوفمبر ٢٠١٤

ودش قفل السكة في وشي
لا حقيقي القانون واخذ مجراه
وانا كنور بدأت احترامه خالص
انا معنديش تعليق انتو عندكوا ???????



#بلا_نيله



نور مانجا



نور مانجا

١٨ نوفمبر ٢٠١٤

شوف انا اقبل اي حاجة

اقبل معونة .. اقبل عزيمة.. اقبل هدمك القديمة

لكن اقبل اد وانت مسمي نفسك (فارس احلام الموزز)

ده لا يمكن ابدأ علي جثتي

جتكم الهم



نور مانجا

٢٣ نوفمبر ٢٠١٤

اسرع طريقة عشان تبقي مشهور

ومثير للجدل وحاجة كده تشطيب سوبر لو كس

لو انت ولد : اتكلم عن الإلحاد وسيح لنفسك انك ملحد وكده

لو انتي بنت : اتكلمي عن النص التحتاني بكل بجاجة وقولي دي حرية وكده

يلا الف مبروك بقيت نجم



#بلا_نيله



نور مانجا



نور مانجا

١٥ نوفمبر ٢٠١٤

هي البلد دي ممكن تكون قاسية ومقرفة اكثر من كده إيه
واحدة اعرفها شابة صغيرة وام لطفلة ٥ شهور وطفل ٤ سنين عملت حادثة
بالعربية من يوم الأربعاء

جريوا بيها علي المستشفى وطبعا ساعات من الإهمال والقرف لحد ما
اليوم خلص والست واضح انها اتصابت في رجلها اصابة جامدة
ومحتاجة اشعة رنين مغناطيسي بسرعة عشان نعرف الإجراء المناسب
يوم الأربعاء ملحقوش يعملوها عشان ضعيوا الوقت في إجراءات عقيمة
وتحقيق اهل في الحادثة

ويوم الخميس لحد الظهر مكانتش وحدة الأشعة في المستشفى فتحت
اليوم بيضيع وهما لسة مش عارفين يعملو حاجة طيب نجيب اسعاف
وندور علي مكان ثاني الوقت بيمر بسرعة في الظروف دي علي ماجت



نور مانجا

١٥ نوفمبر ٢٠١٤

الإسعاف وتصاريح خروج ونيلة بقينا بالليل جري علي كل مكان ممكن
يكون في اشعة الناس قفلت وامبارح كان الجمعة
الله جمعة يعني ايه يا جماعة هي الطوارئ والحوادث بتستني مش لازم
يبقي في مكان واحد علي الأقل شغال
لا انتو في مصر محدش بيشتغل الجمعة ويقولوا لجوزها معلش يا استاذ
الدنيا مش هتطير
ماهي مش هتطير يا اولاد الباردة بس رجل الست هي الي ممكن تطير
خليك مؤمن يا استاذ ده قضاء الله
النهاردة السبت اليوم الرابع والست لسة متعملهاش اي اجراء طبي عشان
احنا شعب جميل وبلد اجمل بنقل الطوارئ يوم الجمعة ونقىل السبت
ونريح الأربع
ذنبها في رقبة مين
لما تيجي تعمل حادثة خليك ذوق واختار الوقت المناسب
ولا خليك مليونير وسافر برة
متتعفش الدكاترة معاك



#بلا_نيله



نور مانجا



نور مانجا

١٣ نوفمبر ٢٠١٤

الناس_بنفضفض_معاهم

معاهم ٣ انواع

نوع مطيباتي ال هو يسمعك ويقعد يقول معلش معلش

ونوع مفتي ده ال بقعد يقولك انت غلطان كان لازم تعمل كده وكده

وهو مش فاهم حاجة اصلا

ونوع باقي بيشتغل في النشرة اول انت ماتخلص فضفضة يذيع

يبقي خليك عاقل و احتفظ_باسرارك لنفسك



#بلا_نيله



نور مانجا



نور مانجا

٩ نوفمبر ٢٠١٤

جدتي في مصلحة حكومية

الله يرحمها كان ليها معاش بسيط في التأمينات وكانت معتزة بيه جدا
رغم انه مبلغ تافه بس كانت كل شهر تروح بكل همة ونشاط تقبضه
وتبقي سعيدة قوي بيه عشان حاسة انها ليها حقوق وينفع تشتري لنفسها
حاجة ولو بسيطة من غير ما تحتاجلي او لحد من ولادها
المهم انها كل شهر تروح تقبض المعاش لحد ما جه شهر منيل راحت تقبض
الموظفة قالتها مالكيش معاش يا حاجة عشان التأمينات قطعته

-ليه يا بنتي

-اصلهم بعد سن ال ٨٠ بيفتكروكي موتي

-بس انا عايشة اهو

-معلش يا حاجة روعي مكتب التأمينات واعملي زي ما هيقولوك عشان



نور مانجا

٩ نوفمبر ٢٠١٤

المعاش يرجع

-اديني العنوان يا بنتي

-خدي يا حاجة ادي العنوان ايه وجواب

رجعت جدتي البيت وهي مهمومة زي اللي سقطت في ثانوية عامة كلمة

فاكرينك موتي دي وجعتها ووجعها اكر ان المعاش بتاعها اتقطع

يوم وتاني يوم قالتلي انها عايزة تروح مكتب التأمينات وقتها كان عندي

شغل وكان صعب اخذ اجازة وبصراحة كنت مستهيفة الموضوع

المهم وصلتها في طريقي للتأمينات واتطمنت انها هترجع مع حد من

صحابي ومشيت علي الشغل

بس طبعا المهمة متقضتتش في مشوار

ويوم بعد يوم تاخذ عكازها وتضرب المشوار ده وهي ماسكة دوسيه عمال

يكبر

وبدات تطلب مني حاجات غريب انها تطلبها بس وماله عنيا ياستي

_عاوزه برطمان نسكافيه

_ليه ياستي

_عاوزاه وخلص

_حاضر

-عاوزه كركديه اسواني وحنة

_حاضر ياستي

وهكذا طلبات غريبة بس مقدرش اقولها لأ

لحد ما في يوم اخدت اجازة من الشغل اسبوع بحاله اول يوم صحتني



نور مانجا

٩ نوفمبر ٢٠١٤

وقالتلي نازلة رايحة التأمينات وراجعة مركزتش معاها نزلت ورجعت

مجهدة وضغطها عالي ومش قادرة تاخذ نفسها

_ انتي كنتي فين ياستي

_ كنت بشوف ورق المعاش

_ هو لسة مخلصش

ردت بصوت زي الطفل المغلوب علي امره _ لا لسة وانا مش عارفة اعمل

ايه

قررت اروح معاها تاني يوم لما لقيتها مصممة عشان بس افهم في ايه

رحنا الصبح وهي دخلت قدامي وانا وراها علي مكتب موظفة كده تخينة

الجسم والعقل اول ماشافتها مخدتش بالها ان في حد معاها فقالتلها

_ هاه ياست ناجية جبتيلي معاكي اللي قولتلك عليه

_ ايوة يابنتي جايبالك بيض بلدي اهو وزبده

_ شاطرة حطيه هنا وروحي بقي جبيلي فطار عشان اعرف اشوف ورقك

_ هو لسة برضه يابنتي مش عاوزين تخلصولي ورقتي

_ متتكلميش كثير بقي وهاتيلنا الفطار محدش مصدق انك عايشة

ومحدش راضي يمضيلك

_ متمضيالي انتي يابنتي

_ امضيلك عشان تخلصي وتمشي امال مين اللي هيجبلي فطار

فهمتوا يعني الموظفة الحلوقة دي كانت بتستغلها في سنها ده وتطلب

منها الطلبات دي كلها سفلقة او رشوة وكمان بتبتعتها تجيبيلها طلبات في

السن ده



نور مانجا

٩ نوفمبر ٢٠١٤

لحد هنا مقدرتش امسك نفسي وجبتها من شعرها ومسبتهاش غير لما ورق
جدتي كله كان خلصان في اقل من عشر دقائق رغم انهم معذبينها لأكثر
من شهر رايحة جاية ست معدية ال ٨٠ ومريضة وكان ممكن يحصلها
حاجة ومنعرفش طريقها
ياتري في كام واحدة زي جدتي في المصالح الحكومية والحلايف دول
بيستغلوها



#بلا_نيله



نور مانجا



نور مانجا

٦ نوفمبر ٢٠١٤

بس بس بس بس

تعالى نلعب لعبة صغنة

تخيل كده اوتوبيس مدرسة انترناشيونال واخذ الطلبة ولاد الناس ورايح

بيهم المدرسة

وجه لوري عجن الأوتوبيس ده اللي فيه العيال ولاد الناس المهمين دول

ماهو اللي معاه فلوس يدفع لأبنه ٥٠٠٠ دولار في الشهر اكيد حد مهم

المهم بقي يا حلو لو الأوتوبيس ده ولع رد فعلل اها اليهم هيكون ايه

هتقولي اتوبيساتهم مبيحصلهاش حاجة عشان سواقينها علي اعلي درجة

من الكفاءة والأوتوبيسات علي اعلي جودة

هقولك ياسيدي تخيل مش هنخسر حاجة

ها تخيلت تخيلت جامد

تصبح علي خير بقي



#بلا_نيه



نور مانجا



نور مانجا

١٥ نوفمبر ٢٠١٤

يعني احنا خلصنا كل انواع الهبل في الدنيا وبدأنا في مرحلة المخدرات
الرقمية

المرحلة اللي جاية إيه بقي الإنتحار بلوتوثياً
ولا القتل اندرودياً



نور مانجا

٦ نوفمبر ٢٠١٤

لو كانوا سألونا قبل ما يخلفونا عارفين كنا نقول إيه
كنا نقول اولدوننا في بلد تحترم ابونا وموت بكرامة فيه
مبسوطة يا ماما حوا مبسوط يا بابا ادم



#بلا_نيله



نور مانجا



نور مانجا

٣ نوفمبر ٢٠١٤

في واحدة ست مصرية عاملة برنامج اكل اسمه (دبر ووفر) وبتقول
وصفات اكل موفرة عشان منصرفش كثير
هي بتقول بدل ما نعمل مكرونة بشاميل باللحمة
احن نعملها بالمشروم والفلفل الملون ولازم صويا صوص وخل بلسميك
يعني بدل ما اجيب نص كيلو لحمه ب ٣٥ جونه اجيب مشروم ب ١٥
جنيه وفلفل ملون الكيلو ب ٢٥ جنيه وصويا صوص الزجاجه ب ١٨ جنيه
خل بلسميك الزجاجه ب ٣٥ جنيه ودي قمة التوفير الواحد يدعي يقول
ايه



#بلا_نيله



نور مانجا



نور مانجا

٢ نوفمبر ٢٠١٤

مغامراتي مع إيديال زانوسي

من أسبوعين كنت نازلة اشترى غسالة وقولت إيه بقي استخدم ذكائي وانا
بختار واخترت توب لود عشان بقي إيه توفر في المسحوق وكمان مبقاش
مضطرة اوطي وانا بحط فيها الغسيل

وحصل واشتريتها وجبنا عربية توصلها وعمال تطلعها لحد فوق مطولش
عليكو دفعنا شوية فلوس حلوين لحد ما وصلت بالسلامة مروراً بخدمة
العملا اللي شلوني لحد ما جه الفني وركبها

لسة هقول هيبينيه الغسالة طلعت بايظة اه والله تخيلي يا مؤمنة
الغسالة مش راضية تقبل غير برنامج واحد قولت ماشي زي بعضه اعاملها
زي بنتي واسيها علي كيفها بس البرنامج الواحد ده الأوبشن بتاعه انها
تطلع الغسيل وسخ وبصابونه وتقطع شوية حاجات مش عاجباها



نور مانجا

٢ نوفمبر ٢٠١٤

اتصلت بالشركة قالولي منعرفكيش
ياخوانا عيب كده ميصحش دنا زبونة وكده
بصي يا زبونة تبديل غسالة مبندلش لو عاوزه صيانة نبعثلك وتدفعي
للفني رسوم انتقال وخلافه
يا ناس حرام ابدأ ولا يمكن
المهم قولت بدل ما اروح جهاز حماية المستهلك واقلب نافوخي لبست
الغسالة كرتونها ورجعتها السوبر ماركت عشان معداش عليها ١٤ يوم
ماشي ماشي
وطبق الأصل العلقة اللي فاتت عربية توصلها وناس تنزلها يعني حسة
٢٠٠ جونه
يلا معلش
عاوزين غسالة تانية
البياع قال لا زانوسي في التوب لود وحش خدو فرونت لود قصدي يعني
تحميل امامي هات ياخويا وماله اهم حاجة نخلص
اشترينا وعربية وعمال تطلعها ومسحوق اوتوماتيك
واتصلي بخدمة العملاء واستني الفني ٤٨ ساعة محبوسة في البيت لما
الغسالة نفسها زهقت
واخيرا جه الدكتور سفير زانوسي الفني
بعد ما ركبها ولهف ١٠٠ مصاريف إنتقال بيشرحلي التعليمات إكمن
الغسالة يعني ديجتال واسمارت وهو توسم فيا الغباء فيبقولي إيه بقي
بصي تحطي الفيشة كده



#بلا_نيله



نور مانجا



نور مانجا

٢ نوفمبر ٢٠١٤

لما بقراً اخبار ثورة بوركينا فاسو بحس ان التاريخ مش بس بيعيد نفسه لا
ده كمان بيستهبل
نفس التسلسل اللي يشل
حاكم عسكري عامل نفسه دني
يقعد ٥٠ سنة
الناس زهقت
عملوا ثورة
قال خليهم يتسلوا
اتنحي
هرب
فرحوا



نور مانجا

٢ نوفمبر ٢٠١٤

بينضفو الشوارع

فترة انتقالية

وقريبا انتخابات وانقلاب ومن الأول سمعني ياليل ياعين



#بلا_نيله



نور مانجا



نور مانجا

٥ نوفمبر ٢٠١٤

قل للمليحة بالخمار الأسود
خبي تضاريسك المتبعثرة يادلعددي



نور مانجا

١ نوفمبر ٢٠١٤

موظف خدمة العملاء في مصر مهما كانت شركته متدرب علي حاجة
واحدة بس
كيف تشل الزبون او تجبله جلطة في اسرع وقت ممكن
انا متهيألي التارجت بتاعهم انه يجيب جلطة ل ١٠٠ بني ادم في الشهر
والي اقل من كده بيتحرم من الحوافز وممكن يترفد



نور مانجا

٢٥ أكتوبر ٢٠١٤

بس خلاص

لو في حاجة بتتعمل غير كده مكانتش نفس الحادثة تتكرر بنفس الإسلوب

ونفس الفشل في مقاومتها كأنه فيلم رخيص متعاد الف مرة

سينا مستهدفة خلاص نهجر اهلها ونفضيها

صناديق الزبالة بتبقي مفخخة شيلو الصناديق

الجامعة فيها شغب اقفلو الجامعة

منتهي الفشل في ادارة الأزمات ومستنيين اننا نتغير او نمشي لقدام ابقو

قابلوني

حسبنا الله ونعم الوكيل



#بلا_نيله



نور مانجا



نور مانجا

٢٢ أكتوبر ٢٠١٤

الشيخ المهدي بشير

لل قضاء علي مس الجن وفك المربوط وجلب الغائب وزيادة الربح في
التجارة والبورصة ويساعدكم في كسب مسابقات السيارات والخيول والإبل
وكاس العالم في كرة القدم
اعمال السحر البسيط والمركب وجواز العوانس والعتور علي الكنوز المخفية
وعمل احبة حماية من الأعداء والرصاص والنار والغرق
ارقام الشيخ متوفرة والمقابلة بأسبقية الحجز
الي فوق ده مش بوست تهريج من بتوعي
ده إعلان عن خبير روحاني علي قناة مصرية للأسف
ياتري الشيخ ده ممكن يقدر يحرر فلسطين
ولما هو يقدر يخليك غني قوي كده كان لامؤاخذة نفع نفسه ومشتغلش
الشغلانة الهزق دي



#بلا_نيه



نور مانجا



نور مانجا

٢١ أكتوبر ٢٠١٤

وهو الفيس إيه غير ناس باردة تضيفك في جروبات وناس ابرد تعملك تاج
في صور هبلة
وناس ابرد وابد تسألك لما إنت مش بتتكلم خاص بتفتح فيس ليه
عبوكوا كلكوا



نور مانجا

٢٦ أكتوبر ٢٠١٤

جدتي كانت دائما تقولي
اتعلمي العلام حلو العلم سلاح
انا اتعلمت يا حاجة بس السلاح هي موتني انا
محدث ياخذ سلاحه ويديني بداله مروحة



#بلا_نيه



نور مانجا



نور مانجا

١٩ أكتوبر ٢٠١٤

انا مقدرش اتجوز واحدة غلطت معاها

نفسى اعرف تصنيف قائل العبارة دي

يعني يابن الدايدة انت بلسانك اللي عايز قطعه بتقول غلطت يعني انت

تغلط واحنا نشرب لمون ابو شكلك



نور مانجا

٨ أكتوبر ٢٠١٤

قانون مبيحميش المغفلين ولا بيسري علي الفاسدين ولا بينصف

المظلوم ولا بيعاقب الظالم قلته احسن



#بلا_نيله



نور مانجا



نور مانجا

٨ أكتوبر ٢٠١٤

نفسى حد بس يدلني ولا يفهمني

إيه هي مؤهلات الكائن الهلامي/شريف مدكور

عشان يتقال عنه إعلامي ومذيع وقدير ونجم ومعرفش إيه ويقدم برامج

طبخ وموضة وبرامج حریمی ورجالي واطفالي

لابجد حد يقولي عشان هموت وافهم



#بلا_نيله



نور مانجا



نور مانجا

١٢ أكتوبر ٢٠١٤

إمبارح باليل موبايلى رن

رقم غريب رديت

الو

الو إزيك يانور

الحمد لله مين معايا

انا احمد بتاع المعادي

افندم مش فاهمة

انا اتكلمت معاكي عالفيش من يومين

نعم !!!

انا احمد بتاع المعادي

حضرتك انا مش فاكراك وغالبا معرفكش ممكن اعرف جبت رقمي منين



نور مانجا

١٢ أكتوبر ٢٠١٤

جبتة من الفيس

نعم !!!!

ايوة جبت رقمك من بياناتك علي الفيس

اسفة والله مبتكلمش مع حد معروفش

تخيل وتخيلي نفسك كده واحد طلبك وبيقولك انا احمد بتاع المعادي وانا

قاعدة جنب جوزي يعني في ظروف تانية في ناس ممكن بيتها يتخرب

بمكاملة لطيفة زي دي

مش معني إن بياناتنا متاحة علي الفيس إنك تنتهك خصوصية الناس

وتطلب اي حد علي مزاجك في اي وقت التطفل ده حاجة مقرفة جدا

ياريت يبقي في شوية اسمه إيه ده احترام علي شوية بتاع ده ادب

ومعاهم قليل من الحياء



#بلا_نيله



نور مانجا



نور مانجا

٣ أكتوبر ٢٠١٤

في كل يوم تنحر رقاب اكثر من الف بقرة في سلسلة مطاعم ماكدونالدز وحدها ولم يتحرك احد لهذه المجزرة البقرية اللتي يباع الجرامات القليلة منها بعشرات الجنيهات ولكن مذابح الخراف التي يطعم منها فقراء المسلمين مرة كل عام اصبحت الآن إرهاب انه ارهاب الخرفان الجدد اشباه ناعوت وامثالها كل علاقتهم بالإنسانية التي يدعوونها مثل علاقة القروود بالذهب كلاهما لا يملك ما يدعيه



#بلا_نيله



نور مانجا



نور مانجا

١ أكتوبر ٢٠١٤

عقلية مصرية

جاري ابوحسن الي هو جاري وصاحب العمارة في نفس الوقت والي بسبب تصرفاتهم الغبية قررت اعزل لأن الحياة كانت جحيم النهاردة بس اكتشفت السر في كل المضايقات الي كانت بتحصلي والي حكيتلكم عليها قبل كده الي منها انه بيتصنت عليا وكمان اشتكي لتيام اني بغني ومنها انه بطريقة ما قاطع المية عن شقتي ومش بشوفها غير الفجر ومنها اني لما بصحي الفجر واغسل وانشر يرموا رمل واسمنت علي الغسيل بتاعي

ومنها انهم بيحطوا الزبالة والترب علي باب شقتي كل ده وانا كنت ساكتة علي اعتبار انهم ناس مخهم علي قدهم وكمان انا مش من الستات الي اول ما جوزها يرجع تقعد تسخنه علي الجيران وجو الخناق البلدي ده بالعربي كده بحب اريح دماغي



#بلا_نيله



نور مانجا



نور مانجا

١ أكتوبر ٢٠١٤

قدام ماكينة ال ATM

طابور طويل وقفت لحد ما جه دوري وقد تخلل الطابور قليل من فهلوة الشعب المصري معلش ممكن اعدي قدامك عشان راكن غلط معلش والنبي يا مدام ابني سخن ولازم اوديه المشفشي اوعي كده ياعم انا كنت واقف من بدري بس رحت اشرب سيجارة هتقولي مروحتيش ماكينة غيرها ليه هقولك عددهم في العجمي يتعد عالصواب وكل واحدة قدامها طابور ولا طابور الفراخ الجديد بقي ان جنب الطابور ده طابور ثاني بس ناس واقفين يتفرجوا اه والنعمة المهم بقي يامواطن وصلت لحد الماكينة وشان حواليا زحمة قوي خفت حد يقري البيانات اللي بكتبها فطلبت انجلش اللي جنبي : مش لازم فذلكة يا مدام خليها عربي وخلص انا لاتعليق



نور مانجا

١ أكتوبر ٢٠١٤

ضربت الباسورد

اللي جنبى بعد ما راسه لزقت في الشاشة : علي فكرة ابقي غيريه ده سهل قوي

انا اندهاش ولا تعليق

ده تاريخ ده ولا رقم تليفونك لا اوعي يكون عيد جوازك شكلك لسة صغيرة

انا اندهاش ودخان طالع من نافوخي وبرضه لا تعليق

طلبت المبلغ اللي عايزة اسحبه

اللي جنبى : تُو تُو تُو انتي باين عليكي مبذرة وخاربة بيت جوزك مش كثير كده

انا : اللهم طولك ياروح

الماكينه : لا يمكن تنفيذ العملية حاول مرة اخري

اللي جنبى : مش قولتلك كثير

انا : ممكن تحل عني عشان والله اخليك تقعد في المستشفى

هو : بصوت عالي : كل ده عشان بقولك اطلبي مبلغ قليل عشان

متخلصش الماكينة وتظلمي الناس الغلابة اللي واقفة في الشمس دي

انا : اندهاش

اصوات من الطابور : هما الستات كده مستولين علي كل حاجة بمبالحة

يامدام شوية هتخلصي الفلوس

انا : ممكن كل واحد يخليه في حاله

ورجعت اضرب رقم تاني

الماكينه : جاري تنفيذ العملية



نور مانجا

٢٩ سبتمبر ٢٠١٤

ماكان الأول يا حيلتها فكرك انا كده هندم عشان هزقتك بالعكس

ابسليوتلي ههزقك تاني لو اتصلت

من مصلحة المتصل انه يوضح شخصيته وإلا انا مش مسؤولة عن نوعية

الرد اللي هيسمعه بلاش هزار البوابين ده



#بلا_نيله



نور مانجا



نور مانجا

٢٧ سبتمبر ٢٠١٤

اي عم سيد في ال بيحصل

عم سيد مصري صميم

بقوله عاجبك ال بيحصل ده ياعم سيد

قالي اه ثورة الحشيش فشلت يانور

حشيش ايه ياعم انت

هههههه اه معزورة مانتي متعرفيش انها ثورة حشيش

لا ياراجل

اه وحياء دي النعمة

ازاي بقي

قبل الثورة بتاعة ٢٠١١

حبيب العادلي زنق قوي ع تجار الحشيش ال يبشربوه الجماعة المثقفين



نور مانجا

٢٧ سبتمبر ٢٠١٤

والعيال بتوع النت

ياسلام ياعم ده الشعب كله خرج ساعتها

يابنتي ماتبقيش عبيطة افهمي هما دول ملقوش حشيش لمو اھاليھم

واصحابھم ونزلو الميدان ونزل معاھم شوية ناس مش فاهمين حاجة

ھما كانوا بيقلو حشيش حرية بانجو في الجمعية

مبارك راجل كبير في السن وسمعه تقيل

سمعھا عيش حرية عدالة اجتماعية خد علي خاطرھ من الشعب

اتنحي قامو جم الجماعة بتوع الجنة والنار ركبوھا وقالو احنا ال خلعنا

الأسد

دوكھما مسكتوش قامو دولھما سابولھم الحشيش عالبھري

فاتجننو والدماغ عليت راحو مرجعين النظام القديم في رص الحجارة ولف

السجاير

يعني ثورة حشيش ركبھا اخوان وخطفھا جيش حاجة كده ميتزعلش عليھا

غيرش بس الناس ال صدقو وسمعوھا عيش حرية وماتو في الرجلين كان

الواحد قال

#بلانيلة



بتهكتب روايات .. قصص .. شعر أو مقالات
بتهكتب عربي أو انجليزية ..
أو حتي بترسم .. تواصل معنا و لهنساعدك
ذالقي مكان لابديعاتك

تواصل معنا:-

٠١٠٦٧٠٠٠٧٠١

website : www.fasla.org

E-mail :- Fasla.Pub@Gmail.com

[Facebook.Com/Fasla.Pub](https://www.facebook.com/Fasla.Pub)